

全上古三代秦漢三國六朝文

全上古三代文卷九

烏程嚴

鬻熊

鬻熊姓羊名熊祝融之後陸終第六子季連之裔年九十見文

王文王以為師至武王成王皆師事之成王大封異姓會先卒

子熊麗孫熊狂亦卒因封其曾孫熊繹于楚子孫皆以熊為氏

傳三十一世四十三君有鬻子一卷案史記楚世家鬻熊子寧

熊文王之師也蚤終而鬻子書言年九十見文王而有武王問

成王問及康叔封衛事計其年宜過百一二十則蚤卒終謂

不及受封先卒耳

非不壽之謂也

鬻子案漢志道家鬻子二十二篇小說家鬻熊說一篇隋志僅道

家一卷志林一卷六篇今本遂行珪注十四篇以羣書治要

校之實三篇見存

鬻熊曰運轉亡已天地密移疇覺之哉故物損於彼者盈於此成

於此者虧於彼損盈成虧隨世隨死往來相接間不可省疇覺之

哉

列子
夫瑞

鬻子曰欲剛必以柔守之欲彊必以弱保之積於柔必剛積於弱必彊觀其所積以知禍福之鄉彊勝不若已至於若已者剛柔勝出於已者其力不可量

列子
黃帝

鬻能語文王曰自長非所增自短非所損算之所亡若何

列子
力命

鬻子曰去名者無憂

同上

周文王問於鬻子曰敢問君子將入其職則於其民也何如鬻子對曰唯疑請以上世之政詔於君王政曰君子將入其職則於其民也旭旭然如日之始出也周文王曰受命矣曰君子既入其職則於其民也何若對曰君子既入其職則於其民也嘆嘆御覽引本注云然如日之正中也周文王曰受命矣曰君子既去其職則於其民也何若對曰君子既去其職則於其民也暗暗然如日之已入也故君子將入而旭旭者義先聞也既入而嘆嘆者民保其福也

既去而暗暗者民失其教也周文王曰受命矣

胡經新本賈誼新書修政語下宋本

御覽

三周武王問於鬻子曰寡人願守而必存攻而必得戰而必勝則吾爲此奈何鬻子對曰唯攻守而勝乎同道而和與嚴其備也故曰和可以守而嚴可以守而嚴不若和之固也和可以攻而嚴可以攻而嚴不若和之得也和可以戰而嚴不若和之勝也則唯由和而可也故諸侯發政施令政平於人者謂之文政矣諸侯接士而使吏禮恭於人者謂之文禮矣諸侯聽獄斷刑治仁於人者謂之文誅矣故三文立于政行於禮陳於刑由此守而不存攻而不得戰而不勝者自古而至於今自天地之辟也未之嘗聞也今也君王欲守而必存攻而必得戰而必勝則唯由此也而可也周武王曰受命矣

賈誼新書修政語下長短經政體

周成王年六歲卽位享國親以其身見於鬻子之家而問焉曰昔

者先王與子修道而道修寡人之望也亦願以教敢問興國之道
柰何鬻子對曰唯疑請以上世之政詔於君王政曰興國之道君
忠善則行之君聞善則行之君知善則行之位敬而常之行信而
長之則興國之道也周成王曰受命矣賈誼新書
修政語下

周成王曰敢問於道之要柰何鬻子對曰唯疑請以上世之政詔
於君王政曰爲人下者敬而肅爲人上者恭而仁爲人君者敬士
愛民以終其身此道之要也周成王曰受命矣同上

周成王曰敢問治國之道若何鬻子對曰唯疑請以上世之政詔
於君王政曰治國之道上忠於主而中敬其士而下愛其民故上
忠其主者非以道義則無以入忠也而中敬其士不以禮節則無
以論敬也而下愛其民非以忠信則無以論愛也故忠信行於民
而禮節論於士道義入於上則治國之道也雖治天下者由此而
已周成王曰受命矣同上

周成王曰、寡人聞之、有上人者、有下人者、有賢人者、有不肖人者、有智人者、有愚人者、故問上下之人、何以爲異、鬻子對曰、唯疑、請以上世之政、詔於君王、政曰、凡人者、若貴若賤、若幼若老、聞道志而藏之、知道善而行之、上人矣、聞道而弗取藏也、知道而弗取行也、則謂之下人也、故夫行者善、則謂之賢人矣、行者惡、則謂之不肖矣、故夫言者善、則謂之智矣、言者不善、則謂之愚矣、故智愚之人、有其辭矣、賢不肖之人、別其行矣、上下之人、等其志矣、周成王曰、受命矣、同上

周成王問於鬻子曰、寡人聞之、聖人在上位、使民富且壽、云若夫富、則可爲也、若夫壽、則不在天乎、鬻子對曰、唯疑、請以上世之政、詔於君王、政曰、聖人在上位、則天下不死軍兵之事、故諸侯不私相攻、而民不私相關、闕不私相殺也、故聖王在上位、則民免於一死、而得一生矣、聖王在上、則君積於道、而吏積於德、而民積於用

力故婦人爲其所衣、大夫爲其所食、則民無凍餒矣。故聖王在上、則民免於二死、而得二生矣。聖王在上、則君積於仁、而吏積於愛、而民積於順、則刑罰廢矣、而民無大過之誅。故聖王在上、則民免於三死、而得三生矣。聖王在上、則使民有時、而用之有節、則民無癘疾矣。故聖王在上、則民免於四死、而得四生矣。故聖王在上、則使盈境內、興賢良以禁邪惡、故賢人必用、而不肖人不作、則已得其命矣。故夫富且壽者、聖王之功也。周成王曰、受命矣。賈誼新書修政語下

御覽八

十四

昔者黃帝年十歲、知神農之非、而改其政、使四面從五聖。北堂書

御覽七十九此條當在今本

昔者帝顓頊年十五之上

昔文王見鬻子、年九十、

御覽作鬻子年九十見文王

文王曰、嘻、老矣。鬻子曰、若

使臣捕虎逐麋、則臣已老矣。使臣坐策國事、則臣年尙少。因立爲

師。意林一御覽

三百八十三

武王率兵車以伐紂，紂虎旅百萬，陳于商郊，起自黃鳥，訖于赤斧，走如疾風，聲如振霆，三軍之士，靡不失色。武王乃命太公把旄以麾之，紂軍反走。文選任彥昇宣德皇后令注史孝山出師頌注范蔚宗光武紀贊注御覽三百一

楚文王

王名賁，武王熊通子，鬻熊十九世孫，始都郢。

僕區之法

盜所隱器與盜同罪

左傳昭七年羊尹無字引吾先君文王作僕區之法注僕區刑書名

楚成王

王名頹，一云名惲，文王子，弑兄杜敖，薨而代立，在位四十六年。

爲其子商臣所弑，諡曰成王。

號令國中

寡人之所明於人君者，莫如桓公所賢於人臣者，莫如管仲，明其君而賢其臣，寡人願事之，誰能爲我交齊者？寡人不愛封侯之君。

焉管子

楚莊王

王名旅一云名侶成王孫穆王子在位二十三年諡曰莊王

初即位令國中

有敢諫者死無赦史記楚世家

又令

寡人惡為人臣而遽諫其君者今寡人有國家立社稷有諫則死

無赦說苑正諫楚莊王立為君三年不聽朝乃令於國

葬馬令

有敢以馬諫者罪至死史記滑稽傳

勤箴

民生在勤勤則不匱左傳宣十二年

與宋人盟

我無爾詐爾無我虞左傳宣十五年

茅門法

羣臣大夫諸公子入朝馬蹏蹏雷者廷理斬其軫戮其御韓非子外儲說

上右

楚平王

王名居初名弃疾共王幼子莊王之庶孫以靈王之末為亂入立
在位十三年諡曰平王

過鄭誓

有犯命者君子廢小人降

左傳昭六年楚公子弃疾如晉過鄭紫芻牧採雉不入田不樵樹不采葛不抽

屋不弭旬誓口云云

公子比

比字子干莊王之庶孫康王以為右尹靈王行弑自立懼禍出奔晉居十三年觀從迎立之立十餘日為其弟平王所逼自殺

葬于訾謂之訾敖亦曰初王

下法死靈王

有敢懷王從王者罪及三族

史記楚世家靈王行遇故銅人求食銅人曰新王下法

為敖

敖字孫叔又字艾獵一云名饒字叔敖

隸釋三案世本又楚

之期思人司馬薦賈子為賈為越椒所殺坐廢尋以虞丘薦為

令尹病疽死

將死戒其子

王數封我矣吾不受也為我死王則封汝必無受利地楚越之間

有寢之丘者此其地不利而名甚惡

史記正義引作其為地不利而前有妒谷後有庚丘其名

案淮南子注寢丘今汝南周

荆人畏鬼而越人信讖可長有

者其唯此也

呂氏春秋異寶又史記滑稽傳正義後漢郭丹傳注並引呂氏春秋案此文亦見列子說符淮南人間訓

屈到

到字子夕屈蕩子令尹子木父事楚共王為卿

祭典

國君有牛享大夫有羊饋士有豚犬之奠庶人有魚炙之薦籩豆脯醢則上下共之不羞珍異不陳庶侈

楚語上

觀從

從字子玉故楚大夫觀起子謀復蔡迎楚公子比于晉而立之比尋敗平王即位以為卜尹遂復蔡立蔡平公

合訖谿師眾

國有王矣先歸復爵邑田室後者遷之

史記楚世家觀從從師于乾谿令楚眾云云楚眾皆

潰去盡王而歸

沈諸梁

諸梁字子高楚葉縣尹故稱葉公百公之亂入兼令尹司馬事

平歸老于葉

顧命

母以小謀敗大作母以嬖御人疾莊后母以嬖御士疾莊士大夫

卿士禮記緇衣引某公之顧命云云注葉公楚縣公葉公子高也

臨死遺書曰顧命案此文見逸周書祭公篇葉乃祭字之

吳起

起衛人師事曾子仕魯去之魏事魏文侯武侯爲西河守公叔

害之去之楚楚悼王以爲相有兵法一卷

南門令

有能徙此於南門之外者賜之上田上宅韓非子內儲說上吳起

境起欲攻之不足以徵甲兵乃

西門令

有能徙此於西門之外者賜之如初同上俄又置一石赤

攻秦亭令

明日且攻亭有能先登者仕之國大夫賜之上田宅同上乃下

又南門令

明日有人偵南門之外表者仕長大夫呂氏春秋慎小吳起治而表於南門之外令於邑中

黃歇

歇

歇楚人仕頃襄王至左徒考烈王卽位以爲令尹封於吳號春

申君爲李園所殺

上書說秦昭王

天下莫彊於秦楚今聞大王欲伐楚此猶兩虎相與鬪兩虎相與

鬪而驚犬受其弊不如善楚臣請言其說臣聞物至則反冬夏是

也致至徐廣曰至或作安則危累棋是也今大國之地徧天下有其二垂

此從生民以來萬乘之地未嘗有也先帝文王莊王之子三世不

忘接地於齊以絕從親之要。今王使盛橋守事於韓。盛橋以其地入秦。是王不用甲。不信威。而得百里之地。王可謂能矣。王又舉甲而攻魏。杜大梁之門。舉河內。拔燕酸棗。虛桃入邲。魏之兵雲翔而不敢掇。王之功亦多矣。王休甲息眾二年而後復之。又并蒲衍首垣。以臨仁平丘。黃濟陽嬰城。而魏氏服。王又割濮磨之北。注齊秦之要。絕楚趙之脊。天下五合六聚。而不敢救。王之威亦單。徐廣曰單亦作殫矣。王若能持功守威。絀攻取之心。而肥仁義之地。使無後患。三王不足四。五伯不足六也。王若負人徒之眾。仗兵革之彊。乘毀魏之威。而欲以力臣天下之主。臣恐其有後患也。詩曰。靡不有初。鮮克有終。易曰。狐涉水。濡其尾。此言始之易。終之難也。何以知其然也。昔智氏見伐趙之利。而不知榆次之禍。吳見伐齊之便。而不知千隧之敗。此二國者。非無大功也。沒利於前。而易患於後也。吳之信越也。從而伐齊。既勝齊人於艾陵。還爲越王禽。三渚集解引職國策渚作

之補智氏之信韓魏也。從而伐趙，攻晉陽城，勝有日矣。韓魏叛之，殺智伯瑤於鑿臺之下。今王妒楚之不毀也，而忘毀楚之彊韓魏也。臣爲王慮而不取也。詩曰：大武遠宅而不涉，從此觀之，楚國援也，鄰國敵也。詩云：趯趯毚兔，遇犬獲之。他人有心，余忖度之。今王中道而信韓魏之善王也，此正吳之信越也。臣聞之，敵不可假，時不可失。臣恐韓魏卑辭除患，而實欲欺大國也。何則？王無重世之德於韓魏，而有累世之怨焉。夫韓魏父子兄弟接踵而死於秦者，將十世矣。本國殘，社稷壞，宗廟毀，刳腹絕腸，折頸摺頤，一作頤首身分離，暴骸骨於草澤，頭顱僵仆，相望於境。父子老弱，係脰束手，爲羣虜者，相及於路。鬼神孤傷，無所血食，人民不聊生，族類離散，流亡爲僕妾者，盈滿海內矣。故韓魏之亡，秦社稷之憂也。今王資之與攻楚，不亦過乎？且王攻楚，將惡出兵？王將借路於仇讐之韓魏乎？兵出之日，而王憂其不返也，是王以兵資於仇讐之韓

魏也。王若不借路於仇讐之韓魏，必攻隨水右壤。隨水右壤，此皆
廣川大水，山林谿谷，不食之地也。王雖有之，不爲得地。是王有毀
楚之名，而無得地之實也。且王攻楚之日，四國必悉起兵以應王。
秦楚之兵，構而不離。魏氏將出而攻，留方與鉅湖陵陽蕭相，故宋
必盡。齊人南面攻楚泗上，必舉。此皆平原四達膏腴之地，而使獨
攻王。破楚以肥韓魏於中國，而勁齊韓魏之彊，足以校於秦。齊南
以泗水爲境，東負海，北倚河，而無後患。天下之國，莫彊於齊。魏齊
魏得地葆利，而詳事下吏。一年之後，爲帝。未能其於禁王之爲帝，
有餘矣。夫以王壤土之博，人徒之眾，兵革之彊，壹舉事而樹怨於
楚，遲徐廣曰遲一作還令韓魏歸帝重於齊，是王失計也。臣爲王慮，莫若
善楚。秦楚合而爲一，以臨韓。韓必斂手。王襟以東山之險，帶以曲
河之利，韓必爲關內之侯。若是而王以十萬成鄭，梁氏寒心，許鄆
陵嬰城而上，蔡召陵不往來也。如此而魏亦關內侯矣。王壹善楚，

而關內兩萬乘之主注地於齊齊有壤可拱手而取也王之地一經兩海要約天下是燕趙無齊楚齊楚無燕趙也然後危動燕趙直搖齊楚此四國者不待痛而服矣

史記卷中君傳

荀卿

荀卿名況趙人時相尊而號爲卿方音改易又稱孫卿年五十游齊齊襄王以爲列大夫三爲祭酒去適楚春申君以爲蘭陵令有孫卿子十二卷集一卷

禮賦

爰有大物非絲非帛文理成章非日非月爲天下明生者以壽死者以葬城郭以固三軍以強粹而王駁而伯無一焉而亡臣愚不識敢請之王王曰此夫文而不采者與簡然易知而致有理者與君子所敬而小人所不者與性不得則若禽獸性得之則甚雅似者與匹夫隆之則爲聖人諸侯隆之則一四海者與致明而約甚

順而體請歸之禮

知賦

皇天隆物以示下民或厚或薄帝不齊均桀紂以亂湯武以賢潛潛淑淑皇皇穆穆周流四海曾不崇日君子以修躬以寡室大參乎天精微而無形行義以正事業以成可以禁暴足窮百姓待之而後寧泰臣愚不識願問其名曰此夫安寬平而危險隘者邪修潔之爲親而雜汙之爲狄者邪甚深藏而外勝敵者邪法禹舜而能侖迹者邪行爲動靜待之而後適者邪血氣之精也志意之榮也百姓待之而後寧也天下待之而後平也明達純粹而無疵也夫是之謂君子之知

雲賦

有物於此居則周靜致下動則綦高以鉅圓者中規方者中矩大參天地德厚堯禹精微平毫毛而大盈乎大寓忽兮其極之遠也

撫兮其相逐而返也。叩叩兮天下之咸蹇也。德厚而不捐。五采備而成文。往來惛憊。通乎大神。出入甚極。莫知其門。天下失之則滅。得之則存。弟子不敏。此之願陳。君子設辭請測。意之曰。此夫大而不塞者與。充盈大宇而不窺。入郛穴而不偏者與。行遠疾速而不可託訊者與。往來惛憊而不可爲固塞者與。暴至殺傷而不憶忌者與。功被天下而不私置者與。託地而游宇。友風而子雨。冬日作寒。夏日作暑。廣大精神。請歸之雲。

蠶賦

有物於此。儼儼兮其狀。屢化如神。功被天下。爲萬世文。禮樂以成。貴賤以分。養老長幼。待之而後存。名號不美。與暴爲鄰。功立而身廢。事成而家敗。弃其耆老。收其後世。人屬所利。飛鳥所害。臣愚而不識。請占之五泰。五泰占之曰。此夫身女好而頭馬首者與。屢化而不壽者與。善壯而拙老者與。有父母而無牝牡者與。冬伏而夏

游食桑而吐絲、前亂而後治、夏生而惡暑、喜溼而惡雨、蛹以爲母、
蛾以爲父、三俯三起、事乃大已、夫是之謂蠶理、

箴賦

有物於此、生於山阜、處於室堂、無知無巧、善治衣裳、不盜不竊、穿
窬而行、日夜合離、以成文章、以能合從、又善連衡、下覆百姓、上飾
帝王、功業甚博、不見賢良、時用則存、不用則亡、臣愚不識、敢請之
王、王曰、此夫始生、鉅其成功小者邪、長其尾而銳其剽者邪、頭銛
達而尾趨、繚者邪、一往一來、結尾以爲事、無羽無翼、反覆甚極、尾
生而事起、尾遑而事已、簪以爲父、管以爲母、旣以縫表、又以連裏、
夫是之謂箴理、勅子賦篇

爲書謝春申君

痛人憐王、此不恭之語也、雖然、不可不審察也、此爲劫弑死亡之
主言也、夫人主年少而矜材、無法術以知奸、則大臣主斷國、私以

禁誅於已也。故弑賢長而立幼弱，廢正適而立不義，春秋戒之曰：楚王子圍聘於鄭，未出竟，聞王病，反問疾，遂以冠纓絞王殺之，因自立也。齊崔杼之妻美，莊公通之，崔杼帥其君黨而攻莊公，請與分國，崔杼不許，欲自刃於廟，崔杼不許，莊公走出，踰於外牆，射中其股，遂殺之而立其弟景公。近代所見李兌用趙饑主父於沙丘，百日而殺之，淳齒用齊，擢閔王之筋，縣於其廟梁，宿夕而死，夫癘雖癰腫胞疾，上比前世，未至絞纓射股，下比近代，未至擢筋而餓死也。夫劫弑死亡之主也，心之憂勞，形之困苦，必甚於癘矣。由此觀之，癘雖憐王可也，因為賦曰：寶珍隋珠，不知佩兮；禕布與絲，不知異兮；閔姝子奢，莫知媒兮；媒母求之，又甚喜之兮，以瞽為明，以聵為聰，以是為非，以吉為凶，嗚呼上天，曷惟其同。詩曰：上天甚神，無自瘵也。

戰國策十七又韓詩外傳四小異又略見荀子賦篇案韓非子姦劫弑臣篇有此蓋承用師說唯篇末無賦耳

賜進士出身二品銜廣東等處提刑按察使司按察使兼管驛傳事務高王毓藻校刊

全上古三代文卷九終

全上古三代文卷十

烏程嚴可均校輯

宋玉

玉楚人師事屈平爲頃襄王大夫有集三卷

案漢魏文志宋玉賦十六篇今存者

風賦大言賦小言賦諷賦高唐賦神女賦登徒子好色賦釣賦笛賦九辨招魂凡十一篇對楚王問高唐對不在此數如九辨爲九篇則多出漢志三篇所未審也或云笛賦有宋意送荆卿之語非宋玉作

風賦

楚襄王游於蘭臺之宮宋玉景差侍有風颯然而至王迺披襟而當之曰快哉此風寡人所與庶人共者邪宋玉對曰此獨大王之風耳庶人安得而共之王曰夫風者天地之氣溥暢而至不擇貴賤高下而加焉今子獨以爲寡人之風豈有說乎宋玉對曰臣聞於師枳句來巢空穴來風其所託者然則風氣殊焉王曰夫風始安生哉宋玉對曰夫風生於地起於青蘋之末侵淫谿谷盛怒於

土囊之口緣泰山之阿舞於松柏之下飄忽淵湧激颺嫖怒眩眩
雷聲迴穴錯迕鑿石伐木梢殺林莽至其將衰也被麗披離衝孔
動捷胸煥粲爛離散轉移故其清涼雄風則飄舉升降乘陵高城
入於深宮邸華葉而振氣徘徊於桂椒之間翱翔於激水之上將
擊芙蓉之精獵蕙草離秦蘅槩新夷被藋楊迴穴衝陵蕭條眾芳
然後倘佯中庭北上玉堂躋於羅帷經於洞房迺得爲大王之風
也故其風中人狀直慄慄慄慄清涼增歛清清洽洽愈病析醒發
明耳目靈體使人此所謂大王之雄風也王曰善哉論事夫庶人
之風豈可聞乎宋玉對曰夫庶人之風翕然起於窮巷之間驅墜
揚塵勃鬱煩冤衝孔襲門動沙堞吹死灰駭溷濁揚腐餘邪溽入
齋牖至於室廬故其風中人狀直慄慄慄慄邑毆溫致溼中心慘怛
生病造熱中脣爲脣得目爲瞤陷齟嗽獲死生不卒此所謂庶人
之雌風也

文選

大言賦

楚襄王與唐勒景差宋玉遊於陽雲之臺王曰能爲寡人大言者上座王因喟曰操是太阿剝一世流血冲天車不可以厲至唐勒曰壯士憤兮絕天維北斗戾兮太山夷至景差曰拔士猛毅舉陶嘻大笑至今摧覆思緒牙雲晞甚大吐舌萬里唾一世至宋玉曰方地爲車圓天爲蓋長劍耿耿倚天外王曰未也玉曰并吞四夷飲枯河海跋越九州無所容止身大四塞愁不可長據地跼天迫不得仰古文苑

小言賦

楚襄王既登陽雲之臺令諸大夫景差唐勒宋玉等竝造大言賦賦畢而宋玉受賞王曰此賦之迂誕則極巨偉矣抑未備也且一陰一陽道之所貴小往大來剝復之類也是故卑高相配而天地位三光竝照則大小備能大而不小能高而不下非兼通也能儺

而不能細非妙工也。然則上座者未足明賞賢人有能爲小言賦者。賜之雲夢之田。景差曰。載氛埃兮乘剝膚。體輕蚊翼形微蚤鱗。聿遑浮踊。凌雲縱身。經由鍼孔。出入羅巾。飄妙翩綿。乍見乍泯。唐勒曰。析飛燦以爲輿。剖牝糟以爲舟。泛然投乎杯水中。淡若巨海之洪流。憑蚋臂以顧盼。附蠅蠓而遨遊。準靈隱微以原存亡。而不憂。又曰。館於蠅鬚。宴於毫端。烹醢脰切。蟻肝會九族而同齊。猶委餘而不殫。宋玉曰。無內之中。微物潛生。比之無象。言之無名。蒙蒙滅景。昧昧遺形。超於大虛之域。出於未兆之庭。纖於毳末之微。蔑陋於甘毛之方。生視之則眇眇。望之則冥冥。離朱爲之歎閔。神明不能察其情。二子之言。磊磊皆不小。何如此之爲精。王曰。善。賜以

雲夢之田。

古文苑

諷賦

楚襄王時。宋玉休歸。唐勒識之。於王曰。玉爲人。身體容冶。口多微

詞出愛主人之女、入事大王、願王疏之、王休還、王謂玉曰、玉爲人、
身體容冶、口多微詞、出愛主人之女、入事寡人、不亦薄乎、玉曰、臣
身體容冶、受之二親、口多微詞、聞之聖人、臣嘗出行、僕飢馬疲、正
值主人門開、主人翁出、嫗又到市、獨有主人女在、女欲置臣堂上、
太高、堂下太卑、乃更于蘭房之室、止臣其中、中有鳴琴焉、臣拔而
鼓之、爲幽蘭白雪之曲、主人之女、翳承日之華、披翠雲之裘、更被
白縠之單衫、垂珠步搖、來排臣戶曰、上客無乃飢乎、爲臣炊彫胡
之飯、烹露葵之羹、來勸臣食、以其翡翠之釵、挂臣冠纓、臣不忍仰
視、爲臣歌曰、歲將暮、今日已寒、中心亂、今勿多言、臣復援琴而鼓
之、爲秋竹積雪之曲、主人之女、又爲臣歌曰、內怵惕、今徂、玉牀橫、
自陳、今君之俊、君不御、今妾誰怨、日將至今、下黃泉、玉曰、吾寧殺
人之父、孤人之子、誠不忍愛主人之女、王曰、止止、寡人於此時、亦
何能已也、

古文苑

高唐賦

昔者楚襄王與宋玉遊於雲夢之臺望高唐之觀其上獨有雲氣
崕兮直上忽兮改容須臾之間變化無窮王問玉曰此何氣也玉
對曰所謂朝雲者也王曰何謂朝雲玉曰昔者先王嘗遊高唐怠
而晝寢夢見一婦人曰妾巫山之女也爲高唐之客聞君遊高唐
願薦枕席王因幸之去而辭曰妾在巫山之陽高丘之阻旦爲朝
雲暮爲行雨朝朝暮暮陽臺之下旦朝視之如言故爲立廟號曰
朝雲王曰朝雲始出狀若何也玉對曰其始出也晢兮若松櫨其
少進也晢兮若姣姬揚袂鄮日而望所思忽兮改容偁兮若駕騶
馬建羽旗濊兮如風淒兮如雨風止雨霽雲無處所王曰寡人方
今可以遊乎玉曰可王曰其何如矣玉曰高矣顯矣臨望遠矣廣
矣普矣萬物祖矣上屬於天下見於淵珍怪奇偉不可稱論王曰
誠爲寡人賦之玉曰唯唯惟高唐之大體兮殊無物類之可儀比

坐山赫其無時兮、道互折而層累、登巉巖而下望兮、臨大阨之嵒
水、遇天雨之新霽兮、觀百谷之俱集、泓洄洄其無聲兮、潰淡淡而
竝入、沄洋洋而四施兮、蔚湛湛而弗止、長風至而波起兮、若麗山
之孤畝、勢薄岸而相擊兮、隘交引而卻會、崢中怒而特高兮、若浮
海而望碣石、礧礧礧而相摩兮、嶸震天之礧礧、巨石溺溺之澶澶
兮、沫潼潼而高厲、水澹澹而盤紆兮、洪波淫淫之溶漚、奔揚踊而
相擊兮、雲興聲之霈霈、猛獸驚而跳駭兮、妄奔走而馳遁、虎豹豺
兕、失氣恐喙、鵬鵠鴈鶴、飛揚伏竄、股戰脅息、安敢妄挾、於是水蟲
盡暴、乘渚之陽、鼃鼃鰕魴、交積縱橫、振鱗奮翼、蜷蜷蛻蛻、中阪遙
望、玄木冬榮、煌煌熒熒、奪人目精、爛兮若列星、曾不可殫形、榛林
鬱盛、葩華覆蓋、雙樹垂房、糾枝還會、徙靡澹澹、隨波開闢、東西施
翼、猗猗豐沛、綠葉紫裹、丹莖白蒂、纖條悲鳴、聲似竿籟、清濁相和、
五變四會、感心動耳、迴腸傷氣、孤子寡婦、寒心酸鼻、長吏隳官、賢

士失志，愁思無已，歎息垂淚，登高遠望，使人心瘁。盤岸嶢峴，振陳
磴磴，盤石險峻，傾崎崖隤，巖嶇參差，從橫相迫，阪互橫結，背穴偃
蹠，交加累積，重疊增益，狀若砥柱，在巫山下，仰視山巔，肅何芊芊，
炫耀虹蜺，俯視峭嶸，室寥窈冥，不見其底，虛聞松聲，傾岸洋洋，立
而能經，久而不去，足盡汗出，悠悠忽忽，惓惓自失，使人心動無故，
自恐賁育之斷，不能爲勇，卒愕異物，不知所出，縱縱莘莘，若生於
鬼，若出於神，狀似走獸，或象飛禽，譎詭奇偉，不可究陳，上至觀側，
地蓋底平，箕踵漫衍，芳草羅生，秋蘭蒨蒨，江離載青，青荃射干，揭
車苞并，薄草靡靡，聯延夭夭，越香掩掩，眾雀嗷嗷，雌雄相失，哀鳴
相號，王雌鵬黃，正冥楚鳩，姊歸思婦，垂雞高巢，其鳴喈喈，當年遊
遊，更唱迭和，赴曲隨流，有方之士，羨門高谿，上成鬱林，公樂振穀，
進純嘏禱，寢室醮諸神，禮太一，傳祝已具，言辭已畢，王乃乘玉輿，
騶倉螭，垂旒旌，旒合諸紉，大絃而雅聲流，冽風過而增悲哀，於是

調調令人怵悵悵，脅息增欲。於是乃縱獵者，基址如星，傳言羽獵，銜枚無聲，弓弩不發，罟罟不傾，涉澹澹，馳萃萃，飛鳥未及起，走獸未及發，何節奄忽，蹶足灑血，舉功先得，獲車已實。王將欲往見之，必先齋戒，差時擇日，簡與玄服，建雲旆，蜺爲旌，翠爲蓋，風起雨止，千里而逝，蓋發蒙，往自會，思萬方，憂國害，開賢聖，輔不逮，九竅通鬱，精神察滯，延年益壽千萬歲。

文選

神女賦

楚襄王與宋玉遊於雲夢之浦，使玉賦高唐之事。其夜王寢，果夢與神女遇，其狀甚麗，王異之。明日以白玉。玉曰：「其夢若何？」王曰：「晡夕之後，精神恍惚，若有所喜，紛紛擾擾，未知何意。目色眇眇，乍若有記，見一婦人，狀甚奇異，寐而夢之，寤不自識。罔兮不樂，悵然失志。於是撫心定氣，復見所夢。玉曰：「狀如何也？」王曰：「茂矣美矣，諸好備矣，盛矣麗矣，難測究矣。上古既無，世所未見，瓊姿瑋態，不可勝

贊其始來也。耀乎若白日初出，照屋梁。其少進也，皎若月月舒其光。須臾之間，美貌橫生。晔兮如華，溫乎如瑩。五色竝馳，不可殫形。詳而視之，奪人目精。其盛飾也，則羅紈綺縠，盛文章，極服妙，采照萬方。振繡衣，被袿裳，襪不短，纖不長。步裔裔兮曜殿堂，忽兮改容。婉若遊龍，乘雲翔。嬋被服，倪薄裝。沐蘭澤，含芳性。和適宜，侍旁順序卑。調心腸。王曰：「若此盛矣，試爲寡人賦之。」玉曰：「唯唯。夫何神女之姣麗兮，含陰陽之渥飭。被華藻之可好兮，若翡翠之奮翼。其象無雙，其美無極。毛嬙鄒袂，不足程式。西施掩面，比之無色。近之既妖，遠之有望。骨法多奇，應君之相。視之盈目，孰者克尙。私心獨悅，樂之無量。交希恩疏，不可盡暢。他人莫覩，王覽其狀。其狀義義，何可極言。貌豐盈以莊姝兮，苞溫潤之玉顏。眸子炯其精朗兮，瞭多美而可觀。眉聯娟以蛾揚兮，朱唇的其若丹。素質幹之醴實兮，志解泰而體閒。既婉孌於幽靜兮，又婆娑乎人間。宜高殿以廣意。」

兮，翼放縱而綽寬，動霧縠以徐步兮。拂墀聲之珊珊，望余帷而延
視兮。若流波之將瀾，奮長袖以正衽兮。立踟躕而不安，澹清靜其
情嫺兮。性沈詳而不煩，時容與以微動兮。志未可乎得原，意似近
而既遠兮。若將來而復旋，蹇余疇而請御兮。願盡心之惓惓，懷貞
亮之潔清兮。卒與我兮相難，陳嘉辭而云對兮。吐芬芳其若蘭，精
交接以來往兮。心凱康以樂歡，神獨亨而未結兮。魂煢煢以無端，
含然諾其不分兮。喟揚音而哀歎，頰薄怒以自持兮。曾不可乎犯
干，於是搖珮飾，鳴玉鸞，整衣服，斂容顏。顧女師，命太傅，歡情未接，
將辭而去。遷延引身，不可親附，似逝未行，中若相首，目略微眄，精
彩相授，志態橫出，不可勝記。意離未絕，神心怖覆，禮不遑說，辭不
及究。願假須臾，神女稱遽，徇腸傷氣，顛倒失據，闇然而暝，忽不知
處。情獨私懷，誰者可語，惆悵垂涕，求之至曙。文選

登徒子好色賦

大夫登徒子侍於楚王、短宋玉曰、玉爲人體貌閒麗、口多微詞、又性好色、願王勿與出入後宮、王以登徒子之言問宋玉、玉曰、體貌閒麗、所受於天也、口多微辭、所學於師也、至於好色、臣無有也、王曰、子不好色、亦有說乎、有說則止、無說則退、玉曰、天下之佳人、莫若楚國、楚國之麗者、莫若臣里、臣里之美者、莫若臣東家之子、東家之子、增之一分則太長、減之一分則太短、著粉則太白、施朱則太赤、眉如翠羽、肌如白雪、腰如束素、齒如含貝、嫣然一笑、惑陽城、迷下蔡、然此女登牆闌、臣三年至今未許也、登徒子則不然、其妻蓬頭皰耳、齟脣歷齒、旁行踽偻、又疥且痔、登徒子悅之、使有五子、王孰察之、誰爲好色者矣、是時秦章華大夫在側、因進而稱曰、今夫宋玉盛稱鄰之女、以爲美色、愚亂之邪臣、自以爲守德、謂不如彼矣、且夫南楚窮巷之妾、焉足爲大王言乎、若臣之陋、目所曾覩者、未敢云也、王曰、試爲寡人說之、大夫曰、唯唯、臣少曾遠遊、周覽

九土足歷五都出咸陽熙邯鄲從容鄭衛漆洧之間是時向春之末迎夏之陽鵲鵲啾啾羣女出桑此郊之姝華色含光體美容冶不待飾裝臣觀其麗者因稱詩曰遵大路兮攬子祛贈以芳華辭甚妙於是處子悅若有望而不來忽若有來而不見意密體疏俯仰異觀含喜微笑竊視流眄復稱詩曰寤春風兮發鮮榮潔齋俟兮惠音聲贈我如此今不如無生因遷延而辭避蓋徒以微辭相感動精神相依憑目欲其顏心顧其義揚詩守禮終不過差故足稱也于是楚王稱善宋玉遂不退

文選

釣賦

宋玉與登徒子偕受釣於玄洲止而竝見於楚襄王登徒子曰夫玄洲天下之善釣者也願王觀焉王曰其善柰何登徒子對曰夫玄洲釣也以三尋之竿八絲之線餌若蛆蠅鉤如細鍼以出三赤之魚於數仞之水中豈可謂無術乎夫玄洲芳水餌挂繳鉤其意

不可得退而牽行、下觸清泥、上則波颺、玄洲因水勢而施之、頡之、頡之、委縱收斂、與魚沈浮、及其解弛也、因而獲之、襄王曰、善、宋玉進曰、今察玄洲之釣、未可謂能持竿也、又烏足爲大王言乎、王曰、子之所謂善釣者何、玉曰、臣所謂善釣者、其竿非竹、其綸非絲、其鉤非鍼、其餌非蠅也、王曰、願遂聞之、宋玉對曰、昔堯舜湯禹之釣也、以聖賢爲竿、道德爲綸、仁義爲鉤、祿利爲餌、四海爲池、萬民爲魚、釣道微矣、非聖人其孰能察之、王曰、迅哉說乎、其釣不可見也、宋玉對曰、其釣易見、王不察爾、昔殷湯以七十里、周文以百里、興利除害、天下歸之、其餌可謂芳矣、南面而掌天下、歷載數百、到今不廢、其綸可謂紉矣、羣生寢其澤、民氓畏其罰、其鉤可謂拘矣、功成而不矜、名立而不改、其竿可謂強矣、若夫竿折綸絕、餌墜鉤洩、波涌魚失、是則夏桀商紂、不通夫釣術也、今察玄洲之釣也、左挾魚鼈、右執槁竿、立于橫汗之涯、倚乎楊柳之間、精不離乎魚喙、思

不出乎鮒鰕形容枯槁神色憔悴樂不役勤獲不當費斯乃水濱之役夫也已君王又何稱焉王若建堯舜之洪竿攄禹湯之脩綸投之于瀆視之于海漫漫羣生孰非吾有其爲大王之釣不亦樂乎

古文苑

笛賦

余嘗觀於衡山之陽見奇篠異幹罕節間枝之叢生也其處磅礴千仞絕谿凌阜隆崛萬丈盤石雙起丹水涌其左醴泉流其右其陰則積雪凝霜霧露生焉其東則朱天皓日素朝明焉其南則盛夏清微春陽榮焉其西則涼風遊旋吸逮存焉幹枝洞長桀出有良名高有脫誤師曠將爲陽春其北則鄙白雪之曲魏文類聚作師曠將爲陽春北鄭白雪之曲假塗南國至於此山望其叢生見其異形因命陪乘取其雄焉宋意將送荆卿於易水之上得其雌焉於是乃使王爾公輸之徒合妙意角較手遂以爲笛於是天旋少陰白日西靡命嚴春

使午子

文選洞簫賦注作使叔子獨處於室鄰之姦婦又獨處室云云

案注又引毛詩傳昔顏叔子

延長頸

奮玉手摘朱脣曜皓齒頰顏臻玉貌起吟清商追流徵歌

伐檀號孤子

發人轉舒積鬱其爲幽也甚乎懷永抱絕喪夫天亡

稚子

纖悲微痛毒離肌傷腠理激叫入青雲慷慨切窮士度曲口

羊腸

揆歎振奔逸遊決志列絃節武毅發沈憂結呵鷹揚叱太一

聲淫淫

以黯黯氣旁合而爭出歌壯士之必往悲猛勇乎飄疾麥

秀漸兮

鳥聲革翼招伯奇于源陰追申子于晉域夫奇曲雅樂所

以禁淫也

錦繡黼黻所以御寒也得則泰過是以檀卿刺鄭聲周

人傷北里也

亂曰芳林皓幹有奇寶兮博人通明樂斯道兮殷衍

瀾漫終不老兮

雙枝間麗貌甚好兮八音和調成稟受兮善善不

衰爲世保兮

絕鄭之遺離南楚兮美風洋洋而暢茂兮嘉樂悠長

俟賢士兮

鹿鳴萋萋思我友兮安心隱志可長久兮

十一引七條就文類聚四十四按此賦用宋意送別卿事非宋玉作然隋唐已前本集有之誤收久矣不必刪耳

古文苑北堂書鈔一百

九辯九首

悲哉秋之爲氣也。蕭瑟兮。草木搖落而變衰。慄慄兮。若在遠行。登山臨水兮。送將歸。次寥兮。天高而氣清。宋處兮。收潦而水清。憫悽增歎兮。薄寒之中人。愴愴恨兮。去故而就新。坎壈兮。貧士失職而志不平。廓落兮。羈旅而無友生。惆悵兮。而私自憐。燕翩翩其辭歸兮。蟬宋漠而無聲。雁靡靡而南遊兮。鷓鴣啁哳而悲鳴。獨申旦而不寐兮。哀蟋蟀之宵征。時蹙蹙而過中兮。蹇淹留而無成。悲憂窮戚兮。獨處廓。有美一人兮。心不釋。去鄉離家兮。徠遠客。超消搖兮。今焉薄。專思君兮。不可化。君不知兮。可柰何。蓄怨兮。積思。心煩懣兮。忘食事。願一見兮。道余意。君之心兮。與余異。車旣駕兮。竭而歸。不得見兮。心傷悲。倚結軫兮。長太息。涕潺湲兮。下霑軾。慨絕兮。不得中。晉亂兮。迷惑。私自憐兮。何極。心忼忼兮。諒直。皇天平分四時兮。竊獨悲此廩秋。白露既下百草兮。奄離披此梧

秋去白日之昭昭兮、襲長夜之悠悠、離芳謁之方壯兮、余萎約而悲愁、秋既先戒以白露兮、冬又申之以嚴霜、收恢台之孟夏兮、然歛瘳而沈藏、葉菸邑而無色兮、枝煩秣而交橫、顏淫溢而將罷兮、柯彷彿而萎黃、前櫛櫟之可哀兮、形銷鑠而瘵傷、惟其紛糅而將落兮、恨其失時而無當、擘騂騁而下節兮、聊消搖以相伴、歲忽忽而道盡兮、恐余壽之弗將、悼余生之不時兮、逢此世之倥傯、澹容與而獨倚兮、蟋蟀鳴此西堂、心怵惕而震盪兮、何所憂之多方、叩明月而太息兮、步列星而極明、

竊悲夫蕙華之曾敷兮、紛旖旎乎都房、何曾華之無實兮、從風雨而飛颺、以爲君獨服此蕙兮、嗟無以異於眾芳、閔奇思之不通兮、將去君而高翔、心閉憐之慘悽兮、願一見而有明、重無怨而生離兮、中結軫而增傷、豈不鬱陶而思君兮、君之門以九重、猛犬狺狺而迎吠兮、關梁閉而不通、皇天淫溢而秋霖兮、后土何時而得乾、

塊獨守此無澤兮、仰浮雲而永歎、

何時俗之工巧兮、背繩墨而改錯、卻騏驥而不乘兮、策駑駘而取
路、當世豈無騏驥兮、誠莫之能善御、見執轡者非其人兮、故駟跳
而遠去、鳬雁皆唼夫梁藻兮、鳳愈飄翔而高舉、圓鑿而方枘兮、吾
固知其鉏鋸而難入、眾鳥皆有所登棲兮、鳳獨遑遑而無所集、願
銜枚而無言兮、嘗被君之渥洽、太公九十乃顯榮兮、誠未迴其匹
合、謂騏驥兮安歸、謂鳳皇兮安棲、變古易俗兮世衰、今之相者兮
舉肥騏驥伏匿而不見兮、鳳皇高飛而不下、鳥獸猶知懷德兮、何
云賢士之不處、驥不驟進而求服兮、鳳亦不貪餒而妄食、君弃遠
而不察兮、雖願忠其焉得、欲寂寞而絕端兮、竊不敢忘初之厚德、
獨悲愁其傷人兮、馮鬱鬱其何極、

霜露慘悽而交下兮、心尙幸其弗濟、霰雪雰糅其增加兮、乃知遭
命之將至、願微幸而有待兮、泊莽莽與墜草同死、願自往而徑遊

兮路壅絕而不通欲循道而平驅兮又未知其所從然中路而迷
惑兮自歷按而學誦性愚陋以褊淺兮信未達乎從容竊美申包
胥之氣盛兮恐時世之不固何時俗之工巧兮滅規榘而改鑿獨
耿介而不隨兮願慕先聖之遺教處濁世而顯榮兮非余心之所
樂與其無義而有名兮寧窮處而守高食不媮而爲飽兮衣不苟
而爲溫竊慕詩人之遺風兮願託志乎素餐塞充偃而無端兮泊
莽莽而無垠無衣裘以御冬兮恐盜死不得見乎陽春觀杪秋之
遙夜兮心繚悵而有哀春秋遑遑而日高兮然惆悵而自悲四時
遞來而卒歲兮陰陽不可與儷偕白日晼晼其將入兮明月銷鑠
而滅毀歲忽忽而適盡兮老冉冉而愈弛心搖悅而日幸兮然招
悵而無冀中憯惻之悽慘兮長太息而增歎年洋洋以日往兮老
嶢廓而無處事亹亹而覬進兮蹇淹留而躊躇

何汜濫之浮雲兮焱壅蔽此明月忠昭昭而願見兮然露晞而莫

達願皓日之顯行兮、雲蒙蒙而蔽之、竊不自聊而願忠兮、或黜黜而汗之、堯舜之抗行兮、瞭冥冥而薄天、何險巇之嫉妒兮、被以不慈之僞名、彼日月之照明兮、尙黯黯而有瑕、何況一國之事兮、亦多端而膠加、

被荷稠之晏晏兮、然潢洋而不可帶、既驕美而伐武兮、負左右之耿介、惛惛憐之脩美兮、好夫人之慷慨、眾蹢躅而日進兮、美超遠而逾邁、農夫輟耕而容與兮、恐田野之蕪穢、事繇繇而多私兮、竊悼後之危敗、世雷同而炫曜兮、何毀譽之昧昧、今修飾而窺鏡兮、後尙可以竄藏、願寄言夫流星兮、羌驚忽而難當、卒壅蔽此浮雲兮、下暗漠而無光、堯舜皆有所舉任兮、故高枕而自適、諒無怨於天下兮、心焉取此怵惕、乘騏驥之瀏瀏兮、馭安用夫強策、諒城郭之不足恃兮、雖重介之何益、遭翼翼而無終兮、忼惛惛而愁約、生天地之若過兮、功不成而無効、願沈滯而不見兮、尙欲布名乎天、

下然潢洋而不遇兮、直恟恟而自苦、莽洋洋而無極兮、忽翺翔之
焉、溥國有騶而不知乘兮、焉皇皇而更索、甯戚謳於車下兮、桓公
聞而知之、無伯樂之善相兮、今誰使乎譽之、罔流涕以聊慮兮、惟
著意而得之、紛純純之願忠兮、妒被離而鄙之、

願賜不肖之軀而別離兮、放遊志乎雲中、乘精氣之搏搏兮、驚諸
神之湛湛、驂白霓之習習兮、歷羣靈之豐豐、左朱雀之茈茈兮、右
蒼龍之躍躍、屬雷師之闐闐兮、通飛廉之衙衙、前輕輦之鏘鏘兮、
後輜乘之從從、載雲旗之委蛇兮、扈屯騎之容容、計專專之不可
化兮、願遂推而爲臧、賴皇天之厚德兮、還及君之無恙、
楚辭又文選有前五首

招魂

朕幼清以廉潔兮、身服義而未沫、主此盛德兮、率於俗而蕪穢、上
無所考此盛德兮、長離殃而愁苦、帝告巫陽曰、有人在下、我欲輔

之魂魄離散汝筮予之巫陽對曰掌竈上帝其難從

文選作其若命難從

必筮予之恐後之謝

文選作謝之

不能復用巫陽焉乃下招曰魂兮歸

來去君之恆幹何爲四方些舍君之樂處而離彼不祥些魂兮歸

來東方不可以託些長人千仞惟魂是索些十日代出流金鑠石

些彼皆習之魂往必釋些歸來兮不可以託些魂兮歸來南方不

可以止些雕題黑齒得人肉以祀以其骨爲醢些蝮蛇蓁蓁封狐

千里些雄虺九首往來驚忽吞人以益其心些歸來兮不可以久

淫些魂兮歸來西方之害流沙千里些旋入雷淵靡散而不可止

些牽而得脫其外曠宇些赤螭若象立蠡若壺些五穀不生藂蒿

是食些其土爛人求水無所得些彷徨無所倚廣大無所極些歸

來兮恐自遺賊些魂兮歸來北方不可以止些增冰嶸嶸飛雪千

里些歸來兮不可以久些魂兮歸來君無上天些虎豹九關啄害

下人些一夫九首拔木九千些豺狼從目往來僂僂些懸人以娛

投之深淵些、致命於帝、然後得瞑些、歸來歸來、往恐危身些、魂兮
歸來、君無下此幽都些、土伯九約、其角觺觺些、敦脈血拇、逐人駭
駭些、參目虎首、其身若牛些、此皆甘人、歸來歸來、恐自遺災些、魂
兮歸來、入修門些、工祝招君、背行先些、秦篝齊縵、鄭綿絡些、招具
該備、永嘯呼些、魂兮歸來、反故居些、天地四方、多賊姦些、像設君
室、靜閒安些、高堂邃宇、檻層軒些、層臺累榭、臨高山些、網戶朱綴、
刻方連些、冬有突厦、夏室寒些、川谷徑復、流潺湲些、光風轉蕙、汜
崇蘭些、經堂入奧、朱塵筵些、砥室翠翘、挂文選曲瓊些、翡翠珠被、
爛齊光些、蒨阿拂壁、羅幃張些、纂組綺縠、結琦文選璜些、室中之
觀、多珍怪些、蘭膏明燭、華容備些、二八侍宿、射遞代些、九侯淑女、
多迅眾些、盛鬋不同、制實滿宮些、容態好比、順彌代些、弱顏固植、
蓍其有意些、姱容修態、紉洞房些、蛾眉曼睩、目騰光些、靡顏膩理、
遺視矐些、離榭修幕、侍君之閒些、翡翠翠帳、文選飾高堂些、紅壁

沙版女玉梁些仰觀刻桷畫龍蛇些坐堂伏檻臨曲池些芙蓉始
發雜芰荷些紫葢屏風文緣波些文異豹飾侍陂陲些軒轅既低
步騎羅些蘭薄戶樹瓊木籬些魂兮歸來何遠爲些室家遂宗食
多方些稻粢稊麥挈黃梁些大苦鹹酸辛苦行些肥牛之臠膳若
芳些和酸若苦陳吳羹些脰髓炮羔有柘漿些鵠醢騰臠煎鴻鵠
些露雞臠螭腐而不爽些炬妝蜜餌有餵餽些瑤漿蜜勺實羽觴
些挫糟凍飲酌清涼些華酌既陳有瓊漿些歸來反故室一作歸來
無來字文選敬而無妨些肴羞未通女樂羅些陂鐘按鼓造新歌
些涉江采菱發揚荷些美人既醉朱顏酡些娛光眇視目曾波些
被文服纖麗而不奇些長髮曼髻鬋陸離些二八齊容起鄭舞些
衽若交竿撫案下些竽瑟狂會攄鳴鼓些宮庭震驚發激楚些吳
歎蔡謳秦大呂些士女雜坐亂而不分些放敝組纓班其相紛些
鄭衛妖玩來雜敝些激楚之結獨秀先些崑蔽象碁有六簫些分

曹竝進，道相迫些。成臯而牟，呼五白些。晉制犀比，費白日些。鏗鐘
搖簴，楔梓瑟些。娛酒不廢，沈日夜些。蘭膏明燭，華鏐錯些。結撰至
思，蘭芳假些。人有所極，同心賦些。酎飲盡歡，樂先故些。魂來歸兮，
反故居些。

亂曰：獻歲發春兮，汨吾南征。萋積齊葉兮，白芷生路。貫廬江兮，左
長薄。倚藻畦瀛兮，遙望博青。驅結駟兮，齊千乘。懸火延起兮，玄顏
蒸步。及驟處兮，誘騁先。抑驚若通兮，引車右。還與王趨夢兮，課後
先。君王親發兮，憚青兕。朱明承夜兮，時不可以淹。皋蘭被徑兮，斯
路漸湛。湛江水兮，上有楓。日極千里兮，傷春心。魂兮歸來，哀江南。
楚辭
文選

對楚王問

楚襄王問于宋玉曰：先生其有遺行與？何士民眾庶不譽之甚也？
宋玉對曰：唯然有之。願大王寬其罪，使得畢其辭。客有歌于郢中

者其始曰下里巴人國中屬而和者數千人其爲陽阿薤露國中屬而和者數百人其爲陽春白雪國中屬而和者不過數十人引商刻羽雜以流徵國中屬而和者不過數人而已是其曲彌高其和彌寡故鳥有鳳而魚有鯢鳳皇上擊九千里絕雲霓負蒼天足亂浮雲翱翔乎杳冥之上夫蕃籬之鷄豈能與之料天地之高哉鯢魚朝發崑崙之墟暴鬚於碣石暮宿於孟諸夫尺澤之鯢豈能與之量江海之大哉故非獨鳥有鳳而魚有鯢也士亦有之夫聖人瑰意琦行超然獨處世俗之民又安知臣之所爲哉

文選

高唐對

楚襄王與宋玉遊于雲夢之野將使宋玉賦高唐之事望朝雲之館上有雲氣崑崙乎直上忽而改容須臾之間變化無窮王問宋玉曰此何氣也對曰昔者先王遊於高唐怠而晝寢夢一婦人曖乎若雲煥乎若星將行未至如浮如停詳而視之西施之形王悅而

問焉曰我帝之季女也名曰瑤姬未行而亡封巫山之臺精魂依草實爲蓍芝媚而服焉則與夢期所謂巫山之女高唐之姬聞君遊於高唐願薦枕席王因而幸之

御覽三百九十九引襄陽耆舊記

楚襄王與宋玉遊於雲夢之野望朝雲之館有氣焉須臾之間變化無窮王問此是何氣也玉對曰昔先王遊於高唐怠而晝寢夢見一婦人自云我帝之季女名曰瑤姬未行而亡封于巫山之臺聞王來遊願薦枕席王因幸之去乃言妾在巫山之陽高丘之阻旦爲朝雲暮爲行雨朝朝暮暮陽臺之下旦而視之果如其言爲之立館名曰朝雲

文選江淹雜體擬騷潘岳述哀詩注引宋玉集按此與文選高唐賦御覽襄陽耆舊記小異

宋玉集序

附

宋玉事楚懷王友人言之王王以爲小臣玉讓友人友曰薑桂因地而生不因地而辛女因媒而嫁不因媒而親也

北堂書鈔原本

案韓詩外傳宋玉問其友見楚相楚相待之無以異讓其友其友曰夫薑桂云云新序宋玉因其友以

見于襄王襄王待之無以異宋玉讀其友其友曰夫豈非云云
王楚相襄王互異而語相友等語屬友人語無異也梅鼎祚文紀題
作報友人書甚誤不
知下文有宋玉辨語

景差

景與昭屈皆楚同姓差亦作瑤事頃襄王爲大夫

按說苑政理有景差相與

與晉叔向同時
蓋別是一人

大招

青春受謝白日昭只春氣奮發萬物遽只冥凌浹行魂無逃只魂
魄歸徠無遠遙只魂乎歸徠無東無西無南無北只東有大海溺
水漉漉只螭龍竝流上下悠悠只霧雨淫淫白皓膠只魂乎無東
湯谷宋只魂乎無南南有炎火千里蝮蛇蜒只山林險隘虎豹蜿
只鰐鰕短狐王虺騫只魂乎無南蜮傷躬只魂乎無西西方流沙
漭洋洋只豕首縱目被髮鬢只長爪踞耳談笑狂只魂乎無西多
害傷只魂乎無北北有寒山連龍絕只代水不可涉深不可測只

天白顚顚寒凝凝只魂乎無往盈北極只魂魄歸徠閒以靜只自
恣荆楚安以定只逞志究欲心意安只窮身永樂年壽延只魂乎
歸徠樂不可言只五穀六仞設菰梁只鼎臠盈望和致芳只內鵠
鵠鵠味豺羹只魂乎歸徠恣所嘗只鮮蟾甘雞和楚酪只醢豚苦
狗膾苴葍只吳酸蒿蕕不沾薄只魂兮歸徠恣所擇只炙鴟烝鳧
粘鵠鵠只煎鱖雁雀遽爽存只魂乎歸徠麗以先只四酎并孰不
忍噍只清馨凍飲不欲役只吳醴白蘘和楚瀝只魂乎歸徠不遽
惕只代秦鄭衛鳴竽張只伏戲駕辯楚勞商只謳和揚阿趙蕭倡
只魂乎歸徠定空桑只二八接舞投詩賦只叩鐘調磬娛人亂只
四上競氣極聲變只魂乎歸徠聽歌謠只朱脣皓齒婢以娉只比
德好閒習以都只豐肉微骨調以娛只魂乎歸徠安以舒只娉目
宜笑娥眉曼只容則秀雅穉朱顏只魂乎歸徠靜以安只娉脩滂
浩麗以佳只曾頰倚耳曲睂規只蒲心綽態妓麗施只小腰秀頸

若解卑只、魂乎歸徠、思怨移只、易申利心、以動作只、粉白黛黑、施
芬澤只、長袂拂面、善留客只、魂乎歸徠、以娛昔只、青色直眉、美目
嫵只、厲輔奇牙、宜笑嗎只、豐肉微骨、體便娟只、魂乎歸徠、恣所便
只、夏屋廣大、沙堂秀只、南房小壇、觀絕甍只、曲屋步閭、宜擾畜只、
騰駕步遊、獵春圃只、瓊穀錯衡、英華假只、芷蘭桂樹、鬱彌路只、魂
乎歸徠、恣志慮只、孔雀盈園、畜鸞皇只、鳴鴻羣晨、雜鴝鵒只、鴻鵠
代遊、曼鵲鵲只、魂乎歸徠、鳳皇翔只、曼澤怡而、血氣盛只、永宜厥
身、保壽命只、室家盈廷、爵祿盛只、魂乎歸徠、居室定只、接徑千里、
出若雲只、三圭重侯、聽類神只、察鵠天隱、孤寡存只、魂兮歸徠、正
始昆只、田邑千畛、人阜昌只、美冒眾流、德澤章只、先威後文、善美
明只、魂乎歸徠、賞罰當只、名聲若日、照四海只、德譽配天、萬民理
只、北至幽陵、南交趾只、西薄羊腸、東窮海只、魂乎歸徠、尚賢士只、
發政獻仁、禁苛暴只、舉傑壓陞、誅讖罷只、直嬴在位、近禹麾只、豪

傑執政、流澤施只、魂乎徠歸、國家爲只、雄雄赫赫、天德明只、三公
穆穆、登降堂只、諸侯畢極、立九卿只、昭質既設、大侯張只、執弓挾
矢、揖辭讓只、魂乎徠歸、尙三王只、楚辭王逸敘曰、大招屈原之所
賦、祖以爲非屈原作、今按漢志、屈原賦二十五篇、謂離騷一篇、九
歌十一篇、天問一篇、九章九篇、遠遊、卜居、漁父、各一篇、凡二十五
篇、洪說是也、

唐勒

勒楚人仕頃襄王爲大夫、

奏士論

我是楚也、世霸南土、自越以至葉垂、弘境萬里、故號曰萬城也、水經

注、

賜進士出身三品銜廣東等處提刑按察使司按察使兼管驛傳事務黃岡王毓藻校刊

全上古三代文卷十終

全上古三代文卷十一

烏程嚴可均校輯

趙鞅

鞅一稱志父趙武孫與秦俱伯翳之後事晉頃公定公出公爲上卿諡曰簡子孟之言長故自趙盾至鞅通稱趙孟鞅專晉權四世至敬侯章與韓魏共滅晉遂爲三晉

鐵誓

范氏中行氏反易天明斬艾百姓欲擅晉政而滅其君寡君恃鄭而保焉今鄭爲不道弃君助臣二三子順天明從君命經德義除謗恥在此行也克敵者上大夫受縣下大夫受郡士田十萬庶人工商遂人臣隸圉免志父無罪君實圖之若其有罪絞縊以戮桐棺三寸不設屬辟素車樸馬無入于兆下卿之罰也

左傳哀二年

自爲二書牘與二子

節用聽聰敬賢勿慢能勿賤

御覽一百四十
六引韓詩外傳

趙武靈王

王名雍、鞅七世孫肅侯子、在位二十七年、傳國少子何、是為惠

文王、而自號主父、後四年、公子成李兌作亂、餓死沙丘宮、諡曰

武靈王

命相國肥義傳少子

母變而度、母異而慮、堅守一心、以歿而世

史記趙世家肥義曰昔者主父以王屬我也

云云義再拜
受命而籍之

潘吾勒石

主父常遊於此

韓非子外儲說左上趙主父令工施綯梯而緣
潘吾刻疏人迹其上廣三尺長五尺而勒之

趙惠文王

王名何、武靈王少子、在位三十三年、諡曰惠文王

空雄約

自今以來秦之所欲爲趙助之趙之所欲爲秦助之呂氏春秋淫
解篇空雄之

遇秦趙
相與約

代王嘉
王名嘉趙悼襄王之適子以無寵廢至幽繆王遷之八年秦拔
邯鄲虜王遷趙人北保代擁立爲王王代六年爲秦將王賁所
虜

遺燕王喜書

秦所以尤追燕急者以太子丹故也今王誠殺丹獻之秦王秦王
必解而社稷幸得血食史記刺客傳秦拔邯鄲城燕王喜太子丹等
東保遼東秦將李信追擊燕王急代王乃

遺燕王
喜書

董安于
安于趙簡子家臣守晉陽范中行之亂以與謀爲荀躒所譴自
殺

書趙簡子夢之帝所事

趙簡子疾五日、不知人、大夫皆懼、醫扁鵲視之、出董安于問、扁鵲曰、血脈治也、而何怪、在昔秦穆公、嘗如此、七日而寤、寤之日、告公孫支與子輿曰、我之帝所、甚樂、吾所以久者、適有學也、帝告我晉國將大亂、五世不安、其後將霸、未老而死、霸者之子、且令而國男女無別、公孫支書而藏之、秦讖於是出矣、獻公之亂、文公之霸、而襄公敗秦師於殽、而歸縱淫、此子之所聞、今主君之疾與之同、不出三日、疾必間、間必有言也、居二日半、簡子寤、語大夫曰、我之帝所、甚樂、與百神遊於鈞天、廣樂九奏萬舞、不類三代之樂、其聲動人心、有一熊、欲來援我、帝命我射之、中熊、熊死、又有一罴來、我又射之、中罴、罴死、帝甚喜、賜我二笥、皆有副、吾見兒在帝側、帝屬我一翟犬曰、及而子之壯也、以賜之、帝告我晉國且世衰、七世而亡、嬴姓將大敗周人於范魁之西、而亦不能有也、今余思虞舜之勳、

適余將以其冑女孟姬配而七世之孫道安于受言而書藏之以
扁鵲言告簡子簡子賜扁鵲田四萬畝

史記趙世家

又書子晰事

他日簡子出有人當道辟之不去從者怒將刃之當道者曰吾欲
有謁於主君從者以聞簡子召之曰諱吾有所見子晰也當道者
曰屏左右願有謁簡子屏人當道者曰主君之疾臣在帝側簡子
曰然有之子之見我我何爲當道者曰帝令主君射熊與羆皆死
簡子曰是且何也當道者曰晉國且有大難主君首之帝令主君
滅二卿夫熊與羆皆其祖也簡子曰帝賜我二笥皆有副何也當
道者曰主君之子將克二國于翟皆子姓也簡子曰吾見兒在帝
側帝屬我一翟犬曰及而子之長以賜之夫兒何謂以賜翟犬當
道者曰兒主君之子也翟犬者代之先也主君之子必且有代及
主君之後嗣且有革政而胡服并二國于翟簡子問其姓而延之

以官當道者曰臣野人致帝命耳遂不見簡子書藏之府同上案此與

上文夢之帝所為一事未必簡子自書蓋亦董安于受言而書藏之府耳史蒙上文故省其辭

陽虎

虎字貨見孟子疏引魯季氏家臣以謀去三桓事敗奔齊齊囚

之逃奔宋又奔晉趙鞅迎為相

議

主賢明則悉心以事之不肖則飾茲而試之韓非子外儲說左下

王登

登趙襄子家臣為中牟令

上言舉中牟二士

中牟有士曰中章胥已者其身甚脩其學甚博君何不舉之韓非子外儲左下

王登為中牟令上言於襄主主曰子見之我將為中大夫

諒毅

殺趙之辯士、

獻書秦王

大王廣地寧邑、諸侯皆賀、敝邑寡君亦竊嘉之、不敢寧居、使下臣奉其幣物、三至王廷、而使不得通、使若無罪、願大王無絕其歡、若使有罪、願得請之、戰國策二十一

李牧

牧事趙孝成王、常居代雁門、爲北邊良將、悼襄王時、以破秦軍功、封武安君、王遷末、秦攻趙、郭開受秦金、誣以謀反、誅、後三月而虜王遷、

備邊約

匈奴卽入盜、急入收保、有敢捕虜者斬、史記廉頗藺相如附傳

秦孝公

公姓嬴、亦姓趙、名渠梁、伯翳之後、獻公子、在位二十四年、諡曰

孝公

下令國中

昔我穆公自岐雍之間脩德行武東平晉亂以河爲界西霸戎翟
廣地千里天子致伯諸侯畢賀爲後世開業甚光美會往者厲蹠
簡公出子之不寧國家內憂未遑外事三晉攻奪我先君河西地
諸侯卑秦醜莫大焉獻公卽位鎮撫邊境徙治櫟陽且欲東伐復
穆公之故地脩穆公之政令寡人思念先君之意常痛於心賓客
羣臣有能出奇計彊秦者吾且尊官與之分土史記秦本紀

秦昭襄王

王名則一名稷孝公之孫悼武王異母弟初爲質于燕燕送歸
得立、在位五十六年諡曰昭襄王

下令國中

有敢言鄭安平事者以其罪罪之史記范雎傳

遺楚懷王書

始寡人與王約爲弟兄盟于黃棘太子爲質至驪也太子陵殺寡人之重臣不謝而亡去寡人誠不勝怒故兵侵君王之邊今聞君王乃令太子質于齊以求平寡人與楚接境壤界故爲婚姻所從相親久矣而今秦楚不驩則無以令諸侯寡人願與君王會武關面相約結盟而去寡人之願也敢以聞下執事

史記楚世家

遺楚頃襄王書

楚倍秦秦且率諸侯伐楚爭一日之命願王之飭士卒得一樂戰

史記楚世家

詳爲好書遺平原君

寡人聞君之高義願與君約爲布衣之交君幸過寡人寡人願與君爲十日之飲

史記范雎傳秦昭王聞魏齊在平原君所欲爲范雎必報其仇乃詳爲好書遺平原君

遺趙孝成王書

君之弟在秦范君之仇魏齊在平原君之家王使人疾持其頭來不然吾舉兵而伐趙又不出王之弟於關同上

與夷人刻石爲盟要

秦犯夷輸黃龍一雙夷犯秦輸清酒一鍾後漢南蠻傳又華陽國志一

華山勒石

昭王嘗與天神博於此矣韓非子外儲說左下秦昭王令工施鉤梯而上華山以松柏之心爲博箭長八

尺棋長八寸而勒之

秦宣太后

后姓芈號芈八子楚人秦相穰侯魏冉之異父妹爲惠文王妃

生昭襄王王卽位尊爲太后臨朝四十一年爲范雎所廢其明

年薨諡曰宣全文總例母后在諸臣前故不入列女類

將死出令

爲我葬必以魏子爲殉戰國策四秦宣太后受魏魏夫太后病將死出令

杞子

杞子、秦大夫、穆公使成、鄭尋謀襲鄭、事覺、奔齊。

自鄭使告于秦

鄭人使我掌其北門之管、若潛師以來、國可得也。左傳僖三十二年

商鞅

鞅、姓公孫、衛之庶孽公子、故稱衛鞅、初事魏相公叔座爲中庶子、座死去、魏入秦、秦孝公以爲左庶長、進大良造、封之商於、號爲商君、相秦十年、秦以富彊、惠王卽位、公子虔之徒誣以謀反、亡還魏、魏弗受、復入秦、秦獲之、車裂以徇、有商君書五卷。

定變法之令

令民爲什伍而相收司、連坐、不告姦者腰斬、告姦者與斬敵者同賞、匿姦者與降敵同罰、民有二男以上、不分異者、倍其賦、有軍功者、各以卒受上爵、爲私鬪者、各以輕重被刑、大小僇力本業、耕織

致粟帛多者復其身事末利及怠而貧者舉以為收孥宗室非有
軍功論不得為屬籍明尊卑爵秩等級各以差次名田宅臣妾衣
服以家次有功者顯榮無功者雖富無所芬華史記商君傳
南門募徙木令

有能徙置北門者予十金史記商君傳令既具未布恐民之不信
云乃立三丈之木於國都市南門募云

復募

能徙者予五十金史記商君傳民怪之莫敢徙復曰

遺魏將公子卬書

吾始與公子驩今俱為兩國將不忍相攻可與公子面相見盟樂
飲而罷兵以安秦魏史記商君傳

六法當作立法案商君書二十九篇今二十四篇見在不錄錄其佚篇

先王當時而立法度務而制事法宜其時則治事適其務故有功

然則法有時而治，事有當而功。今時移而法不變，務易而事以古，是法與時詭，而事與務易也。故法立而亂益，務爲而事廢。故聖王之治國也，不法古，不循今，當時而立功，在難而能免。今民能變俗矣，而法不易，國形更勢矣，而務以古。夫法者，民之治也，務者，事之用也。國失法則危，事失用則不成。故法不當時，而務不適用，而不危者，未之有也。

羣書治要
三十六

張儀

儀，魏人，與蘇秦俱師事鬼谷先生。說楚爲楚相，所辱蘇秦，激之入秦。秦惠王以爲客卿，尋相秦，去而相魏，相楚，從約解，秦封爲武信君。悼武王卽位，素有卻，去復相魏，有張子十篇。

答鬼谷先生書

先生秉德含弘，飢必噉芝英，渴必飲玉漿，德與神靈齊，明與三光同，不忘賜書，戒以貪味，儀以不敏，名聞不昭，入秦匡霸，欲翼時君。

刺以河邊喻以深山雖素空閭誠銜斯旨儀等曰偉哉先生方覽
遐鑒興亡皎然二子不能抑志退身甘蓼蟲之樂棲竹葦之巢自
撥泯滅悲夫痛哉錄異記鬼谷先生遺儀秦書儀秦答
爲秦破從連橫獻書楚王

秦地半天下兵敵四國被山帶河四塞以爲固虎賁之士百餘萬
車千乘騎萬匹粟如丘山法令既明士卒安難樂死主嚴以明將
知以武雖無出兵甲席捲常山之險折天下之脊天下後服者先
亡且夫爲從者無以異於驅羣羊而攻猛虎也夫虎之與羊不格
明矣今大王不與猛虎而與羣羊竊以爲大王之計過矣凡天下
強國非秦而楚非楚而秦兩國敵侔交爭其勢不兩立而大王不
與秦秦下甲兵據宜陽韓之上地不通下河東取成皋韓必入臣
於秦韓入臣魏則從風而動秦攻楚之西韓魏攻其北社稷豈得
無危哉且夫約從者聚羣弱而攻至強也夫以弱攻強不料敵而

輕戰國貧而驟舉兵此危亡之術也臣聞之兵不如者勿與挑戰

粟不如者勿與持久夫從人者飾辯虛辭高主之節行言其利而

不言其害卒有楚禍史記作秦禍無及爲已是故願大王之熟計之也

秦西有巴蜀史記作大船方船史記作積粟起於汶山循江而下至郢三千餘

里舫船載卒一舫載五十人與三月之糧下水而浮一日行三百

餘里里數雖多不費馬汗之勞不至十日而拒扞關扞關驚則從

竟陵已東盡城守矣黔中巫郡非王之有已秦舉甲出之武關南

面而攻則北地絕秦兵之攻楚也危難在三月之內而楚恃諸侯

之救在半歲之外此其勢不相及也夫恃弱國之救而忘強秦之

禍此臣之所以爲大王之患也且大王嘗與吳人五戰三勝而亡

之陳卒盡矣有偏守新城而居民苦矣臣聞之攻大者易危而民

弊者怨於上夫守易危之功而逆強秦之心臣竊爲大王危之且

夫秦之所以不出甲於函谷關十五年以攻諸侯者陰謀有吞天

下之心也。楚嘗與秦構難，戰於漢中，楚人不勝，通侯執珪死者七十餘人。遂亡漢中。楚王大怒，興師襲秦，戰於藍田。又卻此所謂兩虎相搏者也。夫秦楚相弊，而韓魏以全，制其後計，無過史記作危於此者矣。是故願大王熟計之也。秦下兵攻衛陽，晉必開扃天下之匈。大王悉起兵以攻宋，不至數月而宋可舉。舉宋而東指，則泗上十二諸侯盡王之有已。凡天下所信約從親堅者，蘇秦封爲武安君，而相燕，卽陰與燕王謀破齊，共分其地，乃佯有罪，出走入齊。齊王因受而相之，居二年而覺。齊王大怒，車裂蘇秦於市。夫以一詐僞反覆之蘇秦，而欲經營天下，混一諸侯，其不可成也，亦明矣。今秦之與楚也，接境壤界，固形親之國也。大王誠能聽臣，臣請秦太子入質於楚，楚太子入質於秦，請以秦女爲大王箕帚之妾，効萬家之都，以爲湯沐之邑，長爲昆弟之國，終身無相攻擊。臣以爲計，無便於此者。故敝邑秦王，使使臣獻書大王之從車下風，須以決事。

戰國策十四又史記
張儀傳少未廿一字

獻書韓王

韓地險惡山居五穀所生非麥而豆民之所食大抵豆飯藿羹一
歲不收民不饜糟糠地方不滿九百里無二歲之所食料大王之
卒悉之不過三十萬而廝徒負養在其中矣爲除守微亭郭塞見
卒不過二十萬而已矣秦帶甲百餘萬車千乘騎萬匹虎摯之士
踔跽科頭貫頤奮戟者至不可勝計也秦馬之良戎兵之眾探前
蹠後蹄間三尋者不可稱數也山東之卒被甲冒胄以會戰秦人
捐甲徒程以趨敵左挈人頭右挾生虜夫秦卒之與山東之卒也
猶孟賁之與怯夫也以重力相壓猶烏獲之與嬰兒也夫戰孟賁
烏獲之士以攻不服之弱國無以異於墮千鈞之重集於烏卵之
上必無幸矣諸侯史記作夫不料兵之弱食之寡而聽從人之甘
言好辭比周以相飾也皆言曰聽吾計則可以強霸天下夫不顧

社稷之長利而聽須臾之說誑誤人主者無過於此者矣大王不

事秦秦下甲據宜陽斷絕韓之上地東取成皋宜陽史記作榮陽則鴻

臺之宮桑林之苑非王之有已夫塞成皋絕上地則王之國分矣

先事秦則安矣不事秦則危矣夫造禍而求福計淺而怨深逆秦

而順楚雖欲無亡不可得也故為大王計莫如事秦秦之所欲莫

如弱楚而能弱楚者莫如韓非以韓能強於楚也其地勢然也今

王西面而事秦以攻楚為敝邑秦王必喜夫攻楚而私其地轉禍

而說秦計無便於此者也故秦王使使臣獻書大王御史須以

決事戰國策二十六又史記張儀傳少末十七字

為文檄告楚相

始吾從若飲我不盜而璧若咎我若善守汝國我願且盜而城史記

張儀傳嘗從楚相飲楚相亡璧門下意張儀共執儀掠皆數百不服儀既相秦為文檄告楚相

李冰

水事秦昭王爲蜀守

白沙郵三石人刻要

水竭不見足盛不沒肩

華陽國志李冰爲蜀守於玉女房下白沙郵作三石人立三水中刻江神要云此

劉書鈔一百六十引同

水經江水一注作水竭不至足盛不沒要今本華陽國志或作立三水中與江神要

范唯

唯字叔游魏人爲魏齊所辱更姓名曰張祿入秦秦昭襄王以

爲客卿尋相秦封應侯

獻書昭王

臣聞明主莅正有功者不得不賞有能者不得不官勞大者其祿厚功多者其爵尊能治眾者其官大故不能者不敢當其職焉能者亦不得蔽隱使以臣之言爲可則行而益利其道若將弗行則久留臣無爲也語曰人主後語作庸主賞所愛而罰所惡明主則不然賞必加於有功刑必斷於有罪今臣之爵不足以當樞質要不足

以待斧鉞豈敢以疑事嘗試於王乎雖以臣爲賤而輕辱臣獨不
重任臣者後無反覆於王前邪臣聞周有砥厄宋有結綠梁有懸
黎楚有和璞此四寶者工之所失也而爲天下名器然則聖王之
所棄者獨不足以厚國家乎臣聞善厚家者取之於國善厚國者
取之於諸侯天下有明主則諸侯不得擅厚矣是何故也爲其凋
榮也良醫知病人之死生聖主明於成敗之事利則行之害則舍
之疑則少嘗之雖堯舜禹湯復生弗能改已諳之至者臣不敢載
之於書其淺者又不足聽也意者臣愚而不聞於王心邪亡其言
臣者將賤而不足聽邪非若是也則臣之志願少賜游觀之間望
見足下而入之戰國策五又見史記范雎傳史記將賤而不足聽
少賜游觀之間望見顏色一語無效
請伏斧質等句餘文字亦有同異

呂不韋

不韋濮陽人一云陽翟大賈秦莊襄王以爲丞相封文信侯食

河南洛陽十萬戶、始皇卽位、尊爲仲父、坐嫪毐事、免就封、十二年、徙蜀自殺、有呂氏春秋二十六卷、

呂氏春秋序意

維秦八年、歲在涒灘、秋甲子朔、朔之日、良人請問十二紀、文信侯曰、嘗得學黃帝之所以誨顓頊矣、爰有大圖在上、大矩在下、汝能法之、爲民父母、蓋聞古之清世、是法天地、凡十二紀者、所以紀治亂存亡也、所以知壽夭吉凶也、上揆之天下、驗之地、中審之人、若此、則是非不可無所遁矣、天曰順、順維生、地曰固、固維寧、人曰信、信維聽、三者咸當、無爲而行、行也者、行其理也、行數循其理、平其私、夫私視使目盲、私聽使耳聾、私慮使心狂、三者皆私、設精則智無由公、智不公、則福日衰、災日隆、以日倪而西望、知之、呂氏春秋十二紀之總序也、不錄、

列女

柳下惠妻

妻失其姓柳下惠魯大夫展禽

柳下惠誄

夫子之不伐兮夫子之不竭兮夫子之信誠而與人無害兮屈柔從俗不强察兮蒙恥救民德彌大兮雖遇三黜終不蔽兮愷悌君子永能厲兮嗟乎惜哉乃下世兮庶幾遐年今遂逝兮嗚呼哀哉魂神泄兮夫子之謚宜爲惠兮列女傳二柳下既死門人將誄之不如妾之知也乃誄云云門人從之以爲誄莫能竄一字

趙朔妻

趙朔妻晉成公姊趙武母

置兒袴中祝

趙宗滅乎若號卽不滅若無聲史記趙世家

曲沃負

負失其姓魏大夫如耳母

款門上魏哀王書

曲沃之老婦也心有所懷願以聞於王

列女傳三魏哀王爲太子納妃而美將自納焉負因

款王門而上書王召入遂與太子妃而則負三十鍾

韓憑妻何氏

何氏宋康王舍人韓憑妻今睢陽有韓憑城

密遺夫韓憑書

其雨淫淫河水大深日出當心

搜神記十一宋康王奪韓憑妻何氏憑怨王囚之論爲城旦妻密遺

憑書繆其辭神覽五百五十九作河大水深

遺書於帶

王利其生妻利其死願以屍骨賜憑合葬

搜神記十一韓憑自殺妻遂自投臺左右攬之

衣不巾手而死遺書於帶

楚處莊姪

處莊姪楚縣邑之女年十二爲頃襄王夫人

持幟見頃襄王言隱事

大魚失水有龍無尾牆欲內崩而王不視

列女傳六

趙括母

母失其姓趙馬服君趙奢妻長平之敗以先言免隨坐

上書趙王

括不可使將

始妾事其父時爲將身所奉飯飲而進食者以千數所友者以百數大王及宗室所賞賜者盡以予軍吏士大夫受命之日不問家事今括一旦爲將東向而朝軍吏無敢仰視之者王所賜金帛歸藏於家而日視便利田宅可買者買之王以爲何如其父子異心願王勿遣

王終遣之卽有如不稱妾得無隨坐乎

史記趙奢傳趙孝成王七年秦與趙兵相逐長平信

秦之聞以趙奢子括爲將代廉頗反括將行其母上書云括軍
敗前後所亡四十五萬趙王以括母先言竟不誅也又略見御覽
二百八十一

賜進士出身二品銜廣東等處提刑按察使司按察使兼管驛傳事務黃岡王毓藻校刊